

# **Odluka kojom se dodatno produžava važnost Odluke o dodjeli zemljišta od 27. aprila 2000. god. do 31. marta 2003. god.**

Koristeći se ovlaštenjima koja su data visokom predstavniku članom V Aneksa 10 (Sporazum o implementaciji civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je visoki predstavnik konačni autoritet u zemlji u pogledu tumačenja pomenutog Sporazuma o implementaciji civilnog dijela Mirovnog ugovora; i posebno uvezvi u obzir član II. 1. (d) gore navedenog Sporazuma, prema kojem je visoki predstavnik ovlašten da "pruža pomoć, kada to ocijeni neophodnim, u iznalaženju rješenja za sve probleme koji se pojave u vezi sa implementacijom civilnog dijela Ugovora";

Pozivajući se na stav XI.2 Zaključaka sa konferencije Vijeća za implementaciju mira održane u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru visokog predstavnika da iskoristi svoj konačni autoritet u zemlji u pogledu tumačenja Sporazuma o implementaciji civilnog dijela Mirovnog ugovora kako bi pomogao u iznalaženju rješenja za probleme, kako je prethodno rečeno, "donošenjem obavezujućih odluka, kada to bude smatrao neophodnim," u vezi sa određenim pitanjima, uključujući (u skladu sa tačkom (c) ovog stava) i "mjere u svrhu obezbjeđenja implementacije Mirovnog sporazuma na čitavoj teritoriji Bosne i Hercegovine i njenih entiteta";

Pozivajući se takođe na Odluku visokog predstavnika od 27. aprila 2000. god. kojom je zabranio, između ostalog, raspolaganje, dodjelu, prijenos ili prodaju imovine u državnom vlasništvu, uključujući raniju imovinu u društvenom vlasništvu, ("Službeni glasnik Bosne i Hercegovine", br. 13/00, "Službene novine Federacije Bosne i Hercegovine", br. 17/00 i "Službeni glasnik Republike Srpske", br. 12/00) i čija je važnost produžena 20. decembra 2000. god. ("Službeni glasnik Bosne i Hercegovine", br. 34/00, "Službene novine Federacije Bosne i Hercegovine", br. 56/00 i "Službeni glasnik Republike Srpske", br. 44/00) i ponovo 30. marta 2001. godine ("Službeni glasnik Bosne i Hercegovine", br. 11/01, "Službene novine Federacije Bosne i Hercegovine", br. 15/01 i "Službeni glasnik Republike Srpske", br. 17/01);

Konstatirajući da na cijeloj teritoriji Bosne i Hercegovine ne postoje uslovi koji bi trebali omogućiti organima vlasti entiteta i države da raspolažu ili na drugi način dodjeljuju imovinu u državnom vlasništvu, uključujući raniju imovinu u društvenom vlasništvu, na način koji nije diskriminatorski i koji je u interesu građana;

Uzimajući u obzir, imajući na umu i konstatirajući gore navedeno, visoki predstavnik donosi sljedeću:

## **ODLUKU**

### **kojom se dodatno produžava važnost Odluke od 27. aprila 2000. god. do 31. marta 2003. god.**

Radi potpune preciznosti, iz primjene navedene Odluke od 27. aprila 2000. godine izuzima se sljedeće:

- Odjela zemljišta u svrhu legaliziranja postojećih objekata koji su izgrađeni prije 6. aprila 1992. godine.
- Dodjela zemljišta za redovnu upotrebu zakonito izgrađenih objekata;
- Nadziranje;
- Registracija preduzeća sa zajedničkim ulaganjem osnovanih sa udjelom državnog kapitala.

Osim toga, usvajanjem usaglašenih zakona kojima se uređuje promet i raspolaganje imovinom u državnom vlasništvu, uključujući raniju imovinu u društvenom vlasništvu, što je moguće prije, a najkasnije do 31. marta 2003. godine, organi vlasti Bosne i Hercegovine i njenih entiteta dužni su preuzeti punu odgovornost da osiguraju da se dodjela imovine u državnom vlasništvu, uključujući i raniju imovinu u društvenom vlasništvu, vrši na način koji nije diskriminatorski i koji je u interesu građana Bosne i Hercegovine.

Ova Odluka, koja odmah stupa na snagu, se bez odlaganja objavljuje u "Službenom glasniku Bosne i Hercegovine", "Službenim novinama Federacije Bosne i Hercegovine" i "Službenom glasniku Republike Srpske".

Sarajevo 31. juli 2002. godine

Paddy Ashdown